

欽定四庫全書

權文公集卷一

賦

傷馴鳥賦

紛羽族之多端兮同翮飛而類殊有鸚鵡之微禽亦播質於洪鑪因稚子之嬉遊得中園之墜雛恣飲啄以馴擾來目前與座隅爾乃棲以籠檻鍛其羽翼留軒所以

唐 權德輿 撰

欽定四

權文

詩

祇役江西路上以詩代書寄內

辛苦事行役風波倦晨暮搖搖結遐心靡靡即長路別來如昨日每見缺蟾兔潮信催客帆春光變江樹宦遊宣云愜歸夢無復數愧非超曠姿循此跼促步笑言思

欽定四庫全書

卷一

暇日規勸多遠度鵲服我久安荆釵君所慕伊予多昧理初不涉世務適因擁腫材成此懶慢趣一身常抱病不復理章句胸中無町畦與物且多忤既非大川楫則守南山霧胡為出處間徒使名利汚羈孤望子祿孩穉待我舖未能即忘懷恨恨以此故終當稅鞅鞅豈待畢婚娶如何久人寰俛仰學舉措衡茅去迢遞水陸兩馳驚晰晰窺曉星塗塗踐朝露靜聞田鷄起遠見沙鷗聚怪石不易躋急湍那可泝漁歌聞遠岬煙火明古渡下

唐 權德輿 撰

定庫書
欽四全

權文公集

中國書局

唐·權德輿 撰

權文公集

中國書局

圖書在版編目 (C I P) 數據

權文公集 / (唐) 權德輿撰. —北京 : 中國書店, 2018.2

ISBN 978-7-5149-1897-7

I. ①權… II. ①權… III. ①唐詩 - 詩集 IV. ①I222.742

中國版本圖書館CIP數據核字(2017)第317861號

四庫全書·別集類

權文公集

作者 唐·權德輿撰

出版發行 中國書店

地址 北京市西城區琉璃廠東街一一五號

郵編 一〇〇〇五〇

印刷 山東汶上新華印刷有限公司

開本 730毫米×1130毫米 1/16

印張 15.125

版次 二〇一八年二月第一版第一次印刷

書號 ISBN 978-7-5149-1897-7

定價 五〇元

詳校官候補主事臣郭在達

臣紀昀覆勘

欽定四庫全書

集部二

權文公集

別集類一 唐

提要

臣等謹案權文公集十卷唐權德輿撰德輿字載之天水人官至同平章事事迹具唐書本傳德輿嘗自纂制集五十卷楊憑序之其孫憲又編其詩文為五十卷楊嗣復序之今制集已佚文集亦久無傳本此本乃明嘉靖

二十年楊慎得之于滇南僅存目錄及詩賦
十卷劉大謨序而刻之又刪其無書目錄德
輿文集舊目遂不可考惟文苑英華及唐文
粹中時時散見尚有出此本之外者耳考王
士禎居易錄載權文公集五十卷註曰詩賦
十卷文四十卷碑銘八卷議論二卷記二卷
集序三卷贈送序四卷策問一卷書二卷疏
表狀五卷祭文三卷稱無錫顧宸藏本劉體

仁之子凡寫之以貽士禎者然則德輿全集
康熙中猶存不識何以今所傳者皆楊慎之
殘本第士禎所註卷目以數計之乃八十卷
與五十卷之說不合又不識其何故今既無
可參證姑仍楊慎本錄之焉乾隆四十九年
九月恭校上

總纂官臣紀昀臣陸錫熊臣孫士毅

總校官臣陸費墀

權文公集原序

夫物常聚於所好也故葉公好龍天龍聞而下之穆王
好仙王母降於瑤池况文章為天地間公器顧有好之
而弗得者乎昔歐陽公好古碑刻人咸不憚數千仞之
險數千里之遙購而致之觀諸集古錄為可徵已唐權
公載之為天水人相憲宗黼黻潤色彬彬可稱可泉胡
公以其為鄉先達嘗景仰愛慕思欲誦其詩讀其書皇
皇焉求之罔置在翰苑時每與升菴楊公論及升菴好

學慕古猶夫可泉也故遂識之心而恒訪之人經今三十稔矣始於滇南士人家偶獲是集重之不啻九鼎大呂惜其目錄與詩賦十卷僅存其他作四十卷并自纂制集五十卷俱各散失莫知所在升菴託余轉寄可泉余意以此貽可泉固足以償其平生愿見之懷恐其所未睹者將遂湮沒沈鬱終不可得不如梓而行之有是書者庶或見之將不遠千里欣欣然來相告矣寧不為可冀乎若夫權公人品之光明勲業之宏遠儒術之純

正詞翰之邃古載在國史及楊公嗣復之序茲弗容贅
書此數語蓋以見二公嗜好之篤且以為權公全集之
圖也序云乎哉嘉靖二十年歲在辛丑夏五月吉旦東
阜劉大謨書

唐有天下二百二十載用文章顯於時代有其人然而
自成童就傅以及考終命解巾筮仕以及鈞衡師保造
次必於是視聽必於是文采皆正色而無駁雜調韻皆
正聲而無竒邪滔滔如江河東注不知其極而又處命

書綸綍之任專考覈品藻之柄叅化成輔翊之勲初中終全而有之得之於相國文公矣公諱德輿字載之天水人也旅望祖宗之遠當官行己之道語在國史銘於壙而碑於途此不敢詳今所載者因緣文業而已早歲為淮南江西從事掾管記室之任屬詞詣理奏入而報可移文走檄疆事迎解登朝為起居舍人改駕部員外郎換司勳郎中遷中書舍人凡四任九年專掌詔誥大則發德音修典冊洒朝廷之利澤增盛德之形容小則

褒才能叙官業區分流品申明沮勸無誕詞無巧語誠
直溫潤真王者之言公昔自纂錄為制集五十卷託於
友人湖南觀察使楊公憑為之序故今不在編次之內
其他千名萬狀隨意所屬牢籠今古窮極微細周流於
親愛情理之間磅礴於勲賢久大之業不為利疚不以
菲廢本乎道以行乎文故能獨步當時人人心服非以
德爵齒挾而致之貞元中奉詔考定賢良草澤之士升
名者十七人及為禮部侍郎擢進士第七十有二鸞鳳

杞梓舉集其門登輔相之位者前後十人其他征鎮岳
牧文昌掖垣之選不可悉數方且繼居重任者猶森然
非精識洞鑒鑒其詞而知其人何以臻此邪憲宗皇帝
紹開中興始初英明申戚提法武功既愈文教是圖元
和五年冬執政暴疾既瘖且痺未旬日而公作相憲章
儒術潤色王度使和聲順氣發自廊廟而鬯浹於幽遐
我之所長時以推戴玉立冰潔無緇磷遷染之譏以文
德自終豈徒然哉嗣復不佞發跡門館儀曹台席皆忝

前蜀公之元子中書舍人璩不幸短命其嗣憲孫泣奉
文集求鄙文以冠篇首雖觀於巨海難挹於波濤而藉
用白茅所資誠敬其五十卷次第具在集目銀青光祿
大夫充集賢殿大學士楊嗣復撰謹序

欽定四庫全書

原序

欽定四庫全書

權文公集卷一

唐 權德輿 撰

賦

傷馴鳥賦

紛羽族之多端兮同翔飛而類殊有鸛鵒之微禽亦播
質於洪鑪因稚子之嬉遊得中園之墜雛恣飲啄以馴
擾來目前與座隅爾乃棲以籠檻鍛其羽翼留軒所以